

Počinje "Dukat fest" i "Kratkofil"

16/06/2009 14:24 by Administrator

U Banjoj Luci 16. juna, počinju dva međunarodna festivala i to "Dukat fest" i Treći festival kratkog filma "Kratkofil". Drugi međunarodni festival folklor "Dukat fest" će do 21. juna, osim u Banjoj Luci, Laktašima i Prijedoru, biti održan i u Mrkonjić-Gradu i Modriću, a ugostit će ansamble iz Srbije, Hrvatske, Bugarske, Grčke, Poljske, Letonije, Rusije, Mongolije i BiH

U sklopu ove manifestacije bit će održana i panel diskusije u Muzeju Republike Srpske o temi "Iskustva i metode u prikupljanju narodnog blaga u oblasti etnologije, etnomuzikologije i folkloristike".

Finalna festivalska večer predviđena je za 19. juni na Gradskom stadionu u Banjoj Luci, a folklorne grupe iz Mongolije i Rusije 20. juna održat će cjelovečernji koncert u Domu kulture u Mrkonjić-Gradu, poslije kojeg se samo ruski ansambl seli u Modriću, gdje će se dan kasnije predstaviti i tamošnjoj publici.

Treći međunarodni festival kratkog filma "Kratkofil", koji traje do 20. juna, stavio je akcent na islandsku kinematografiju u domenu kratkog filma te će cijeli skandinavski filmski region biti protkan kroz prateće programe festivala.

Osim kinematografije Islanda, građanima Banje Luke bit će predstavljena manifestacija koja će se odvijati u okviru "Kratkofila" pod nazivom Dani islandske kulture.

Posjetioci će imati priliku da slušaju i tradicionalnu vikinšku muziku, koja je poznata i kao rimur iz 12. i 13. stoljeća i umjetnika Steindor Andersen, učitelj pjevanja koji je i best gost u nastupima popularnog benda "Sigur Ros", uz pratnju kompozitora savremene muzike Hilmara Orna Hilmarsona, dobitnika Feliks nagrade za muziku na filmu, koji je 1991. proglašen kompozitorom godine.

U okviru ovog programa bit će predstavljen veliki broj filmova o popularnoj kulturi Islanda, savremenom elektronskom zvuku, uz korištenje tradicionalnih načina izvođenja i komponovanja.

Publika će imati priliku da upozna geografiju, historiju, običaje, umjetničku fotografiju i književnost Islanda.

Fena

Izvor vijesti: sarajevo-x